



*Համարը N 1335-Ն  
Տիպը Որոշում  
Սկզբնաղբյուրը ՀՀՊՏ 2014.12.10/67(1080)  
Հոդ. 1123*

*Տեսակը Հիմնական  
Կարգավիճակը Գործում է  
Ընդունման վայրը Երևան*

*Ընդունող մարմինը ՀՀ կառավարություն  
Ստորագրող մարմինը ՀՀ վարչապետ  
Վավերացնող մարմինը  
Ուժի մեջ մտնելու ամսաթիվը 20.12.2014*

*Ընդունման ամսաթիվը 27.11.2014  
Ստորագրման ամսաթիվը 02.12.2014  
Վավերացման ամսաթիվը  
Ուժը կորցնելու ամսաթիվը*

- Կապեր այլ փաստաթղթերի հետ**
- Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀՀ «ԺՈՂՈՎՐԴԱԿԱՆ» ՊԱՏՎԱԿՈՐ ԿՈՉՄԱՆ ՀԱՄԱՐ ԱՄԵՆԱՄՍՅԱ ՊԱՏՎՈՎՃԱՐ ՏԱԼՈՒ ԿԱՐԳԸ ԵՎ ԴՐԱ ՉԱՓԸ ՍԱՀՄԱՆԵԼՈՒ ԵՎ ՀՀ ԿԱՌԱՎԱՐՈՒԹՅԱՆ 2004 ԹՎԱԿԱՆԻ ԴԵԿՏԵՄԲԵՐԻ 16-Ի N 1841-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

27 նոյեմբերի 2014 թվականի N 1335-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ «ԺՈՂՈՎՐԴԱԿԱՆ» ՊԱՏՎԱԿՈՐ ԿՈՉՄԱՆ ՀԱՄԱՐ ԱՄԵՆԱՄՍՅԱ ՊԱՏՎՈՎՃԱՐ ՏԱԼՈՒ ԿԱՐԳԸ ԵՎ ԴՐԱ ՉԱՓԸ ՍԱՀՄԱՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2004 ԹՎԱԿԱՆԻ ԴԵԿՏԵՄԲԵՐԻ 16-Ի N 1841-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հիմք ընդունելով «Հայաստանի Հանրապետության պետական պարգևների և պատվավոր կոչումների մասին» Հայաստանի Հանրապետության օրենքի 45-րդ հոդվածի 3-րդ մասը՝ Հայաստանի Հանրապետության կառավարությունը որոշում է.

1. Սահմանել՝
  - 1) Հայաստանի Հանրապետության «Ժողովրդական» պատվավոր կոչման համար ամենամյա պատվովճար տալու կարգը՝ համաձայն հավելվածի.
  - 2) Հայաստանի Հանրապետության «Ժողովրդական» պատվավոր կոչման արժանացած անձանց ամսական պատվովճարի չափը՝ 40000 դրամ:
2. Ուժը կորցրած ճանաչել Հայաստանի Հանրապետության կառավարության 2004 թվականի դեկտեմբերի 16-ի «Ժողովրդական» պատվավոր կոչման արժանացած անձանց ամենամյա պատվովճարի նշանակման և վճարման կարգն ու չափը սահմանելու մասին» N 1841-Ն որոշումը:
3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության  
վարչապետ**

**Հ. Աբրահամյան**

2014 թ. դեկտեմբերի 2  
Երևան

Հավելված  
ՀՀ կառավարության 2014 թվականի  
նոյեմբերի 27-ի N 1335-Ն որոշման

**Կ Ա Ր Գ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ «ԺՈՂՈՎՐԴԱԿԱՆ» ՊԱՏՎՈՎՈՐ ԿՈՉՄԱՆ ՀԱՄԱՐ  
ԱՄԵՆԱՄՍՅԱ ՊԱՏՎՈՎՃԱՐ ՏԱԼՈՒ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով կարգավորվում են «Հայաստանի Հանրապետության պետական պարգևների և պատվավոր կոչումների մասին» Հայաստանի Հանրապետության օրենքով (այսուհետ՝ օրենք) Հայաստանի Հանրապետության «Ժողովրդական» պատվավոր կոչման համար ամենամյա պատվովձար (այսուհետ՝ պատվովձար) տալուն (նշանակելուն և վճարելուն) առնչվող հարաբերությունները:

2. Պատվովձարը նշանակվում և վճարվում է՝

1) օրենքով սահմանված կարգով Հայաստանի Հանրապետության «Ժողովրդական» պատվավոր կոչմանը (այսուհետ՝ «Ժողովրդական» պատվավոր կոչում) արժանացած անձանց:

2) մինչև օրենքն ուժի մեջ մտնելը՝ Հայաստանի Խորհրդային Սոցիալիստական Հանրապետության ժողովրդական արտիստ, Հայաստանի Խորհրդային Սոցիալիստական Հանրապետության ժողովրդական նկարիչ, Հայաստանի Խորհրդային Սոցիալիստական Հանրապետության ժողովրդական ճարտարապետ, Հայաստանի Հանրապետության ժողովրդական արտիստ և Հայաստանի Հանրապետության ժողովրդական նկարիչ կոչումներին արժանացած անձանց:

3) Հայաստանի Հանրապետության քաղաքացի հանդիսացող՝ Խորհրդային Սոցիալիստական Հանրապետությունների Միության ժողովրդական արտիստ, Խորհրդային Սոցիալիստական Հանրապետությունների Միության ժողովրդական նկարիչ, Խորհրդային Սոցիալիստական Հանրապետությունների Միության ժողովրդական ճարտարապետ կոչումներին արժանացած անձանց:

3. Պատվովձարը սահմանվում է ցմահ, եթե «Ժողովրդական» պատվավոր կոչումից չեն հրաժարվել կամ չեն զրկվել դատական կարգով:

4. Պատվովձարը նշանակում, վճարում և պահովում և պատվովձարի գործը վարում (փաստաթղթերը հաշվառում) է Հայաստանի Հանրապետության աշխատանքի և սոցիալական հարցերի նախարարության սոցիալական ապահովության պետական ծառայությունը (այսուհետ՝ ծառայություն)՝ իր տարածքային բաժինների միջոցով (այսուհետ՝ տարածքային բաժիններ):

5. Պատվովձարը նշանակվում է ըստ Հայաստանի Հանրապետության բնակչության պետական ռեգիստրում առկա՝ պատվովձարի իրավունք ունեցող անձի՝ Հայաստանի Հանրապետությունում բնակության վայրի հասցեի մասին տվյալների: Հայաստանի Հանրապետության բնակչության պետական ռեգիստրում հաշվառում չունեցող անձին պատվովձարը նշանակվում է ըստ պատվովձար նշանակելու համար դիմումում նշված՝ Հայաստանի Հանրապետությունում կամ օտարերկրյա պետությունում փաստացի բնակության վայրի հասցեի:

6. Պատվովձար նշանակելու համար դիմող՝ Հայաստանի Հանրապետության բնակչության պետական ռեգիստրում հաշվառված անձի՝ բնակչության պետական ռեգիստրում առկա տվյալները (ներառյալ հաշվառման վայրը և հաշվառվելու օրը, ամիսը, տարեթիվը) ճշտում է տարածքային բաժինը՝ ինքնաշխատ եղանակով:

**II. ՊԱՏՎՈՎՃԱՐ ՆՇԱՆԱԿԵԼՈՒ ՀԱՄԱՐ ԴԻՄԵԼԸ ԵՎ ՊԱՏՎՈՎՃԱՐ ՆՇԱՆԱԿԵԼԸ**

7. Պատվովձար նշանակելու համար անձը գրավոր դիմումը և անհրաժեշտ փաստաթղթերը ներկայացնում է ծառայության՝ իր հաշվառման վայրի, իսկ Հայաստանի Հանրապետությունում բնակության վայրի հասցեով չհաշվառված անձի դեպքում՝ փաստացի բնակության վայրի տարածքային բաժին:

8. Օտարերկրյա պետությունում բնակվող՝ «Ժողովրդական» պատվավոր կոչման արժանացած անձը պատվովձար նշանակելու համար կարող է դիմում ներկայացնել օտարերկրյա պետությունում գործող Հայաստանի Հանրապետության դիվանագիտական ծառայության մարմիններ (այսուհետ՝ դիվանագիտական ծառայության մարմիններ):

9. «Ժողովրդական» պատվավոր կոչման արժանացած անձը պատվովձար նշանակելու համար գրավոր դիմումի հետ տարածքային բաժին կամ դիվանագիտական ծառայության մարմին է ներկայացնում անձը հաստատող փաստաթուղթը (անձնագիր կամ միջազգայնորեն ճանաչված՝ անձը հաստատող ճամփորդական փաստաթուղթ, որը տրված է օտարերկրյա պետության կամ միջազգային կազմակերպության կողմից և իրավունք է տալիս հատելու պետական սահմանը, նույնականացման քարտ, Հայաստանի Հանրապետության օրենքով կամ միջազգային պայմանագրով սահմանված՝ Հայաստանի Հանրապետությունում բնակվելու իրավունքը (կացության կարգավիճակը) հաստատող փաստաթուղթ, փախստականի կարգավիճակ ունեցող անձի համար՝ կոնվենցիոն ճամփորդական փաստաթուղթ),

«Ժողովրդական» պատվավոր կոչում ստանալը հաստատող շնորհագիրը կամ վկայականը:

10. Սույն կարգի 7-րդ կետում նշված դեպքում պատվովձար նշանակելու համար դիմումը և անհրաժեշտ փաստաթղթերն ընդունելու ժամանակ տարածքային բաժնի մասնագետը՝

1) դիմումում լրացված տվյալները համեմատում է անձը հաստատող փաստաթղթի և ներկայացված մյուս փաստաթղթերի տվյալների հետ.

2) տեսաներաձում է փաստաթղթերի բնօրինակները և էլեկտրոնային լուսապատճենները մուտքագրում կենսաթոշակային համակարգի տվյալների շտեմարանում (այսուհետ՝ շտեմարան).

3) հաշվառում է անձի դիմումը և տալիս դիմումն ընդունելու վերաբերյալ իր կողմից ստորագրված ստացական, իսկ փաստաթղթերի բնօրինակները վերադարձնում է դիմողին:

11. Դիվանագիտական ծառայության մարմինն անձը հաստատող փաստաթղթի և «Ժողովրդական» պատվավոր կոչումը հաստատող շնորհագրի՝ իր կնիքով կնքած լուսապատճենները՝ դրանք ստանալուց հետո եռօրյա ժամկետում առաքում է ծառայություն:

12. Պատվովձարը նշանակվում և վճարվում է դիմելու ամսվան հաջորդող ամսվա 1-ից:

13. Եթե պատվովձար ստացող անձը կենսաթոշակառու է, ապա նրա կենսաթոշակի գործին կարվում են սույն կարգի 9-րդ կետով նախատեսված փաստաթղթերի լուսապատճենները և պատվովձար նշանակելու հաշվարկ-կարգադրությունը, իսկ եթե կենսաթոշակառու չէ, ապա կազմվում է պատվովձարի գործ:

### III. ՊԱՏՎՈՎՃԱՐԻ ՎՃԱՐՈՒՄԸ

14. Յուրաքանչյուր ամսվա պատվովձարը վճարվում է դրամով՝ տվյալ ամսվա ընթացքում:

15. Պատվովձարը ֆինանսավորվում է Հայաստանի Հանրապետության պետական բյուջեում այդ նպատակով նախատեսված միջոցների հաշվին:

16. Պատվովձար ստացող անձն իրավունք ունի պատվովձարն ստանալու կենսաթոշակների վճարման ծառայություն մատուցող կազմակերպություններից:

17. Պատվովձարը վճարվում է անկանխիկ կամ կանխիկ եղանակով՝ «Ժողովրդական» պատվավոր կոչման արժանացած անձի դիմումի հիման վրա՝ Հայաստանի Հանրապետության օրենսդրությամբ սահմանված կարգով:

18. Անկանխիկ եղանակով պատվովձար ստանալու համար դիմումում նշվում են բանկի անվանումը և բանկային հաշվի համարը, իսկ պատվովձարը կանխիկ եղանակով ստանալու համար դիմելու դեպքում՝ կենսաթոշակների վճարման ծառայություն մատուցող կազմակերպության անվանումը:

19. Պատվովձարը կանխիկ եղանակով վճարվում է «Ժողովրդական» պատվավոր կոչման արժանացած անձի հաշվառման (Հայաստանի Հանրապետության բնակչության պետական ռեգիստրում հաշվառում չունեցող անձին՝ դիմումում նշված՝ Հայաստանի Հանրապետությունում փաստացի բնակության) վայրում, իսկ նրա գրավոր դիմելու դեպքում՝ վճարող կազմակերպության գրասենյակում:

20. Պատվովձարը նաև վճարվում է պատվովձար ստացողի (խնամակալության տակ գտնվող պատվովձար ստացողի դեպքում՝ նրա օրինական ներկայացուցչի՝ խնամակալի) տված և նոտարի վավերացրած լիազորագրով, եթե լիազորագրով պատվովձար վճարելու մասին գրավոր դիմումն ու լիազորագիրը ներկայացվում են պատվովձար նշանակող տարածքային բաժին: Վերալիազորման կարգով տրված լիազորագրով պատվովձար չի վճարվում:

21. Քրեակատարողական հիմնարկում պատիժ կրող անձանց պատվովձարը նշանակում է քրեակատարողական հիմնարկի գտնվելու վայրի վարչական տարածքն սպասարկող տարածքային բաժինը: Քրեակատարողական հիմնարկում պատիժ կրող անձանց պատվովձարը վճարվում է անկանխիկ եղանակով, իսկ լիազորագրով վճարելու դեպքում կարող է վճարվել նաև կանխիկ եղանակով:

22. Բնակության վայրը փոխելու դեպքում, բացառությամբ օտարերկրյա պետությունում բնակվող «Ժողովրդական» պատվավոր կոչում ունեցողի, պատվովձար ստացող անձի բնակության նոր վայրի՝ պատվովձար նշանակող տարածքային բաժինը պատվովձարը վճարում է նախկին բնակության վայրից պատվովձար ստացող անձի անձնական գործն ստանալուց հետո: Պատվովձարի վճարումը վերսկսվում է պատվովձար ստացող անձի նախկին բնակության վայրում պատվովձարի վճարումը դադարեցնելու օրվանից:

23. Պատվովձար ստացող անձի դիմումի հիման վրա նրա անձնական գործը տեղափոխվում է բնակության նոր վայրի՝ պատվովձար նշանակող տարածքային բաժնի պահանջագրով:

24. Պատվովձար ստացող անձի անձնական գործն ուղարկող տարածքային բաժինը գործի հետ միասին ուղարկում է նաև պատվովձարի վերջին վճարման մասին տեղեկանք:

25. Պատվովձար ստացող անձին հասանելիք և նրա մահվան պատճառով չստացված պատվովձարի գումարը վճարվում է մահացողի ընտանիքի անդամին՝ դիմումը և մահվան վկայականը պատվովձար ստացող անձի մահվանից հետո վեց ամսվա ընթացքում, պատվովձար նշանակող և վճարող տարածքային բաժին ներկայացնելու դեպքում: Մահանված ժամկետում չստացված պատվովձարի գումարը ենթակա է ժառանգման:

### IV. ՊԱՏՎՈՎՃԱՐԻ ՎՃԱՐՈՒՄԸ ԴԱԴԱՐԵՑՆԵԼԸ ԵՎ ՎԵՐՄԿՍԵԼԸ

26. Պատվովձարի վճարումը դադարեցվում է՝

- 1) պատվովճար ստացող անձի մահվան, ինչպես նաև մահացած կամ անհայտ բացակայող ճանաչվելու դեպքում.
- 2) պատվովճար ստանալու իրավունքը դադարեցնելու մասին հայտարարությունն անձամբ կամ նոտարական կարգով վավերացմամբ այլ անձի կողմից տարածքային բաժին ներկայացվելու դեպքում.

3) պատվավոր կոչումից դատական կարգով զրկվելու դեպքում:

27. Պատվովճարի վճարումը դադարեցվում է սույն կարգի 26-րդ կետում նշված հանգամանքներից մեկի առաջացման ամսվան հաջորդող ամսվա 1-ից:

28. Դադարեցված պատվովճարի վճարումը վերսկսվում է՝ պատվովճար ստացող անձին մահացած կամ անհայտ բացակայող ճանաչելու մասին վճիռը դատարանի կողմից վերացվելուց հետո՝ պատվովճար ստացող անձի՝ տարածքային բաժին կամ դիվանագիտական ծառայության մարմիններ գրավոր դիմելու ամսվան հաջորդող ամսվա 1-ից:

**Հայաստանի Հանրապետության  
կառավարության աշխատակազմի  
ղեկավար-նախարար**

**Դ. Հարությունյան**